

Табасарандин

сес

Уьмрин дережа за аплуз!



Табасаран райондин
жямьяатлугьдинна - политикайин газат



Голос
Табасарана

№ 45 (1240) Жвуми, 7-пи ноябрь, 2025-пи йис (2001-пи йисан 5-пи майдианмина удубч1вур)

Тебрик аплуб

Полицияйин Йигъахъди!

Гьарисан ихъ уьлкейи 10-пи ноябриь айт1ан ляхнарин органарин гьуллугъчйири чпин пишекарвалин Йигъ кьайд аплура. Думу машкваран эвел гьелелиг 1715-пи йисаз гьабгьюра. Гьадму йисан Петр 1-пири Урусатдиь жямьяатлугъ кьайда уьхбан гьуллугъ яратмиш гьаплну ва дидиз «полиция» чвур тувнийи. Гизаф йисари ихъ уьлкейи думу машквар «Милицияйин Йигъ» к1ури кьайд гьаплну. Хьа 2011-пи йисланмина, РФ-йин Президентдин Указдиз асас, «Урусатдин Федерацияйин айт1ан ляхнарин органарин гьуллугъчйирин Йигъ» ччвурнаккди кьайд аплура. МВД-йин полицияйин хусуси составди чпин пишекарвалин машквар, ватандашарин сакит уьмур ва ислягъ зегьмет уьрхюри, постнийин алди гьюрюшмиш аплура. Айт1ан ляхнарин органарин гьуллугъчйири чпин улихъ хьайи важиблу вазифйир хьуркувалуинди гьал аплура. Урусатдин МВД-йин Табасаран райондин отделин хусуси состав к1вант1ан чпин пишекарвалин машкрахъди тебрик аплура за ва вари гьуллугъчйириз мяюгкам сагъвал, хизандин хушбахтвал, гьуллугънахъ хьуркувалар ккун аплураза.

«Табасаран район»
МР-ин Глава
М.С. КЪУРБАНОВ.

Жикъиди

Гьаму йисандин абхириз Мягъагъалайиз, «Уьмриз инфраструктура бадали» милли проектдин рамкйириьди, биц1и ва аьхю классдин 84 автобус хпанди ву. Цийи автобусар шагьриь 2026-пи йисан январихъангина лихуз хьюгъди, мялум гьаплну ТАСС-диз Варихалкъарин муниципалин БРИКС-2025 форумдиь республикайин меркездин мэр Джамбулат Салавовди. Варихалкъарин муниципалин БРИКС-2025 форум 29-31-пи октябриь Санкт-Петербургдаь к1ули гьубшну. Дидин ляхний 50-т1ан артухъ уьлкейиан 5 агъзурихъна кас иштирак гьахъну.

СМИ.

Урусатдин халкъдин сабвалин Йигъ кьайд гьаплну

Урусатдин халкъдин сабвалин Йигъахъди аьлакьалуди, улихъна йигъари райондин модулин библиотекайин актовый залиь шадвалин серенжем гьабхъну. Серенжемдиь Табасаран райондин глава Мягъамед Къурбанов, райондин депутаттарин Собраниейин председатель Иса Исаев, райадминистрацияйин главайин заместитель Заур Мусаев, райвоенкоматдин, жямьяатлугъ тешкилатарин вакилар, райадминистрацияйин гьуллугъчйир, жигъиларин гьяракатарин активистар, юнармейцйир ва райондин идарйирин вакилар иштирак гьахънийи.

Уч духънайидар машкрахъди тебрик аплури, Мягъамед Къурбановди халкъдин сабвалин Йигъан важиблувал кьайд гьаплнийи. «Чан ччивар дерин тарихдиз гьагъюрайи думу машкваран мяна гьи лапра деринуб ву. Ихъ уьлкейин халкъарин сабвал фуну чинвалар вушра ккагъбан заминвал ву. Халкъдин саб-



валин Йигъандин эгъемият гьи, ихъ военнослужащйири - СВО-йин иштиракчйири Ватан уьхбаъ заан ватанпервервал улупури айи вахтна, лапра заануб шула. Ихъ жигъилариз кьувватар, аьгъ аплувал ва вахтнийинди, гьалибвал гьадабгъну, сагъсаламатди кьаляхъ гьюбккун аплураза!» - гьаплну Мягъамед Къурбановди.

Райондин депутаттарин Собраниейин председатель Иса Исаевди думу машкваран тарих к1ваин гьаплнийи. «Халкъдин сабвалин Йигъ 1612-пи йисан гьахъи гьядисйирин гьюрматназ тйин дап1найиб ву. Думу йисан халкъдин ополчениейи Москва полякарин чапхунчйирихъан азад гьаплнийи. Урусатдин

кьувват вари читин вахтари уьлкейин азадвал ва асиллу дарувал бадали халкъарин сат1и хьуз удукьрувалиь ади гьабхъну. Ва гьадму вахтари, юкьудварж йис улихъна, ихъ государственной бина ккебгъувалра гьисаб шула. Гьи тарихдин думу дарсан эгъемият лап аьхюб ву: цийи кьурхуваларин улихъ (Аьхир 2-пи машинаь.)

Ватанпервервалин нумуна улупдар



Октябрин 30-риь райондин администрацияйиь СВО-йиь гьак1и жигъиларин Кьагъялвалин орденар дурарин багъридарихъна тувбан серенжем к1ули гьубшнийи. Серенжемдиь «Табасаран район» МР-ин Глава Мягъамед Къурбанов,

«Дагъларин ирс» ДРОО-йин вакил Ильяс Мут1алимов, райондин депутаттарин Собраниейин председателин заместитель Яшар Аьбдулов ва райондин саб жерге тешкилатарин руководителар айи.

Магъа Кьагъялвалин орде-

нариз лайикъ гьахъи эскрар (йик1бан кьаляхъ): Хючна гьул'ан вуйи ефрейтор Рамазан Рамазанов, рядовой Ибрагъим Мягъамедов, Хуст1ил гьул'ан вуйи сержант Мансур Аллагъвердиев, старший прапорщик Гьамид Аьлибеков ва сержант

Аьбдулкерим Рамазанов, Гурихъ гьул'ан вуйи младший сержант Гьажимурад Рамазанов ва рядовой Имран Шьябанов, Тинит1 гьул'ан вуйи рядовой Рамис Къазимьягъамедов, Рушв'ил гьул'ан вуйи рядовой Юзбег Межидов, Пилигъ гьул'ан вуйи рядовой Арсен Илдарханов, Вечрикк гьул'ан вуйи рядовой Уьсман Гереев, Цухдигъ гьул'ан вуйи младший сержант Бахтияр Бейбалаев ва Хили-Пенжигъ гьул'ан вуйи рядовой Максим Султанов.

СВО-йиь чпин жанар фида гьаплу эскрар гьюрхю ва тербияламиш гьаплу абйир-бабариз ихъ терефнаан гьарган гьюрмат вуйихъ, хьа думу эскрар жигъил наслиз ватанпервервалин, кьагъялвалин нумунади гьаргандиз гьузиди.

Фарзилат РАЖАБОВА.
Н. РЯГЬИМОВДИ
гьиву шикил.

Урусатдин халкъдин сабвалин Йигъ къайд гъаплну

(Эвел 1-пи машина.)

ухъу хъана, ихъ архийриси, сабвал, битаввал улупури ахъа», - къайд гъаплну Иса Исаевди.

Серенжемдин рамири-ди Мягъямед Къурбановди серенжемдиз теклиф даплнай СВО-йин иштиракчийрин абийр-бабар – Вечрикк гъул’ан вуйи Абдулвэгъид ва Айханум Рамазановариз, Урзигъ гъул’ан вуйи Гъажимягъамед ва Нефизат Гюловариз Чухсагъулин кагъзар тувну.

Чпин баяр ватанперверарди, эскервалин гъул-лугъназ вафалудар вуди тербияламиш аплбан Мягъямед Къурбановди дурариз чухсагъул мялум, мюгъкам сагъвал, хушбахтвал ва уьмрин гизаф йисар ккун гъаплну.

Аь. РАШИДОВ.
Нурулла
РЯГЪИМОВДИ
гъиву шикил.

Ихъ райондин делегация Кабардино-Балкарияйи гъабхъну

«Табасаран район» МР-ин Глава Мягъямед Къурбанов клули ади, ихъ райондин делегация улихъна йигъари Нальчикдиз гъубшну ва КБР-ин жигъилиарин политикайин ляхнариз лигтру Министр Азамат Люевдихъди гюрюшмиш гъабхъну.

Гюрюшмишди Табасаран районди яшамиш шулайдарин ахъону пай жигъилар вуйиваликан, Дагъустан Республикайин жигъиларин политикайин ляхнариз лигтру Министерствойи ихъ райондин жигъиларин ляхнариз, думу къурулушдин инфраструктура ужу аплбаз асас фикир тувруваликан, муниципалитетди жюрбежюр проектар уьмри гъятназ кючюрмиш аплруваликан, думутланна савайи, муниципалитетдиз гъунши жара регионарин тълукъ ляхнин тажрубайиканра агъю аплуз ккуниваликан къайд гъаплну Мягъямед Къурбановди. Дугъу гъамци гъаплну:

- Ич райондин центр Хючна гъулаз Гизаф профилар аий жигъиларин центр ачмиш даплнача. Гъамус учу думу центрин ляхин жанлу аплуз, ужудар программийрининди ляхин аплуз вуйи месэлийр гъял аплуз кюмек аплурача. Жигъиларихъди аьлакьалу вуйи ляхин тешкил аплуз Кабардино-Балкарияйин тажруба кьиматлу



хьибди...

Гюрюшмишди КБР-йин жигъиларин политикайин ляхнариз лигтру министрихъди гъийин йигъаз ярамиш вуйи месэлийриз гъилигну, министерствойин пишекрари чпин республикайи ужудар проектар уьмри гъятназ кючюрмиш аплруваликан гъаплну. Ихъ райондин делегацияйиз жигъиларин Хулаз экскурсия тешкил гъаплну ва душваз клули гъабхурайи ляхникан ктибтну. Думутланна савайи, ихъ райондин делегация Черек ва Урван районарин жигъиларин центриз хъалар гъабхъну, палтар дирхру фабрикайиз, туриствалин тикилишарина гъушну.

«Багарихъди Черек райондин 90 йис хъпан юбилей къайд аплуру. Думу шадвалин серенжемдиз учузра теклиф даплна. Гъамус районарин арайи чъевалин аьлакьийр тешкил аплуз аий мумкинвалариз лигурача, ихъ районар чиб-чпиз ухшардар ву», - къайд гъаплну Мягъямед Къурбановди, гюрюшмишдин натижийр йивури.

Азамат Люевди мицдар гюрюшмишари регионарин арайи аьлакьийр ижми аплрувал, анжах сатлиди Къавкъаздин жигъиларин гележегдиз ужудар проектар тешкил аплуз мумкинвал шлувал къайд гъаплну.

Угълангерек
АБДУЛКЕРИМОВА.

10-пи ноябрь – полицияйин Йигъ

Гъагъи ва хатлалу гъуллугъна айдидар

Гъарисан ихъ уьлкейи ноябрин 10-ди шадвалин шараитди айтлан ляхнарин органарин гъуллугъчийрин Йигъ къайд аплури шулу. Думу РФ-йин ватандашарин ихтиярар, хатласузвал, жямаятлугъдин къанун-къайда уьрхбан гъаравли дийигънайидарин машквар ву. Айтлан ляхнарин органарин тарих ихъ уьлкейин тарихдихъди сигъ аьлакьийи а. Думу йигъ 1962-пи йисан тыйин гъаплну ва дидхъанмина гъарисан милицияйин, гъамус полицияйин Йигъси къайд аплура.

Сацлиб тарихдиз гъагъюри, дупну ккундуки, 1917-пи йисан 28-пи октябри (10 ноябри) РСФСР-ин НКВД-йи "Рабочий милицияйин гъакънаан" къарар адабгънийи. Дидиз асас, рабочийрин ва эскерарин депутатарин вари советари рабочий милиция тыйин даплну ккундийи. Военныйири ва ватандашари дурариз вари терефариан, гъятта яракъдихъди тямин аплбаанра, кюмек тувну ккундийи. Гъадму къарарининди ихъ уьлкейи социалист жямаятлугъ къайда уьбхру орган яратмиш аплб юридикески тасдикъ гъаплнийи. Дици хъували жямаятлугъ къайда уьбхбаз милиция штатди аий государствойин органси яратмиш аплбаз цлийи девир ашкар гъаплнийи. Рабочийринна-нежбрарин милиция центральный гюкумдин йишвариин тамам аплбан орган шулу.

Дагъустандин полицияйин тарихра Советарин гюкумдин сифте йисарихъна гъагъюра. 1920-пи йисан 28-пи апрели Дагъустандин улихъгандин меркез Темирхан-Шурайи Д. Коркмасовдин председателваликкди гъабхъи Дагъустандин военно-революционный комитетди Дагъустандин Уьру милиция яратмиш аплбан гъакънаан месэла гъял гъаплнийи. Дидин сарпи начальникди Дагъустанди советарин гюкум гъурмиш аплбан активный иштиракчи ва женгчи, Табасаран райондин вуйи Керим Мамедбеков тыйин гъаплнийи.

Ихъ Дагъулу уьлкейин полицияйин тарихдиъра халкъдиз, ватандиз игитвалиинди гъуллугъ аплбан мисалар цлиб адар. Ватандаш’валин дьавди С.Дударовди, К.Караевди, М.Мамаевди, И.Кулдуевди, К.Мусаевди, А.Мурсаловди, Ш.Таркинскийи, Н.Самурскийи ва жарадари регъбервал туври гъабхъи дестийри ахъю гъунара улупну. Дурар, Дагъустандин милицияйин эвелиз гъабхъидар, контрреволюция дагъитмиш аплбаз ва Дагъустан, Кафари Къавкъаз жара уьлкйирин чапхунчийрихъан азад аплбаз, гъулар-шагърар бандитарихъан ва тахсиркарарихъан азад аплбаз активно иштирак гъабхъну.

Хъа лап читин вуйи Ватандин Ахъю дьавдин йисарира, вари совет халкъдиси, гъалибвал гъазанмиш аплбаз милицияйи ахъю гъунара улупну. Дьави ккебгъу сифте вахтаритлан милицияйин гъуллугъчийри гъаракатна аий Уьру Армияйиз хушнинди гъагъюз аьзйир диклури гъабхъну. Гъаци, анжах 1941-пи йисан РД-йин милицияйин хусуси составдин 25 процент гъаракатна аий Уьру Армияйиз гъушну. Дупну ккун-

дуки, дьавдин йисари, умуми гъисабнинди, ихъ уьлкейи милицияйин 85 гъуллугъчи «Советарин Союздин игит» заан ччвурнахъди лишанлу гъаплну. Дурарин арайи дагъустанлу милицияйин гъуллугъчи подполковник Селивантсев Федор Григорьевичра а.

Ватандин Ахъю дьавдин къяляхъ йисарира милицияйиз ахъю фикир тувуб ва дидин гъагъушнахъ хъуб давам гъаплну. Гъаддихъди сабси, ихтиярар ва къайда уьрхювал тямин аплбаз дурарин жавабдарвалра за шула.

Мялум вуйиганси, 2011-пи йисан РФ-йин Государствойин Думайи "Полицияйин гъакънаан" Федералин къанун къабул гъаплнийи. Дидиз асас, айтлан ляхнарин органарин къурулушди хайлин дигиш’валар гъаплнийи. Ихъ уьлкейи, саризра жиниб дар, перестройкайин дигиш’валари кримногенный гъял лап гъизгъин, тахсиркарвалар, гъадму гъисабнаан гъагъи тахсиркарвалар, коррупция, рэкет, тюрклар ва террориствалин актар гизаф гъаплнийи. Жямаятлугъдиз ва уьлкейин сабвализ политикайин ва диндин экстремизмра лап хатлалу ву. Думу лап хатлалу ва мугагъназ адру жюрейин тахсиркарваларихъди женг гъабхуб гъийин полицияйин асас месэлийириккан саб дубхъна. К1ваин аплухъа Дагъустандин ругаринина 1990- пи йисарин аххириар Чечняйиан бандформированийр ва варихалкъарин террористар алжагъувал. Думуган Дагъустандин милиция сифте вуди ихъ уьлкейин сабвал ва халкъдин азадвал бадали женгнахъ убчлвийи.

Кадар зонайи Конституцияйин къурулуш уьбхювал тямин аплбаз Россияйин МВД-йин Табасаран райондин отделанра 30 гъуллугъчи иштирак гъабхъну. РФ-йин МВД-йин Табасаран райондин отделин 3 гъуллугъчи терроризмйиз ва экстремизмйиз къаршу оперативныйна-профилактикайин серенжемар гъабхурайи вахтна, чпин вазифийр тамам аплури гъаклну.

Гъийин вахтнара РФ-йин МВД-йин Табасаран районди аий отделин гъуллугъчийри чпин вазифийр лайикълуди тамам аплура. Урусатдин Табасаран районди аий ОМВД-йин хусуси составдин къуватар тахсиркарваларихъди ва жара ихтиярар члур аплбан дюшюшарихъди женг гъабхбинна, райондин аьтрафариин экстремизмйин ва терроризмйин дюшюшар хъуз гъидритбинна диш даплна. Асасуб, районди оператив гъял дурумлуб ву.

Полицияйи гъуллугъ аплувал гъарвахтна гъагъи ва хатлалу ляхин вуди гъабхъну. Амма, чпиз алахъурайи читинвалариз дилигди, полицияйи ватандашарин ихтиярар, сакитвал уьрхюра, хатлалувализ дилигди, тахсиркарарихъди женг гъабхура. Ухъу думу гъийи дару женгнахъ айдидариз, пишекарвалин машкврахъди тебрик аплури, сагъвал ва хъуркьувалар ккун аплурхъа.

Абдулмажид РАШИДОВ.

Натижийр сачдинтлан ужудар ву

Цци 30-пи октябри райондин администрацияйин актовый зали райондин глава Мягъямед Къурбановдин председателваликкди муниципалитетдин образованийин идарийрин руководителарихъди совещание гъабхъну.

Совещаниейи гъял гъаплу асас месэла 2025-пи йисандин государствойин натижа йивбан аттестацияйин натижийр вуйи. Думутланна савайи, совещаниейин рамкийриъди региондин мялуматарин «Дагъустандин электрондин образование» къурулуш уьмри гъятназ кечирмиш аплбан ва, образованийин ери за аплуб метлебнинди, образованийин тешкилатариъ методикайин ляхин ужу алаплбан месэлийр гъял гъаплну.

Райондин образованийин Управленийин начальникдин заместитель Бахыш Аьгъмедовди мялум гъаплганси, 2025-пи йисан ЕГЭ 367 выпускникди тувну, дурарикан 6 выпускникдихъан ккудубшу йисан ЕГЭ тувуз гъабхъундайи, хъа ккудушу йисарин 11 выпускник чпин баллар за аплуз клури имтигънар тувуз гъафнийи. ОГЭ 876 урхурайири тувну, гъадму гъисабнаан 24 кас цлийиклултан имтигънар туврайидар вуйи. Асас предметариан, баллар гъисабнинди, къялан улупбар ккудушу йисандинтлан заандар вушра, 12 выпускник аттестатар адарди гъузнуну. Хъа улихъна йисан аттестатар адарди 24 выпускник гъузннийи. Думутланна савайи, медалар гъадагъуз ккунди аий 41 касдикан 17-рихъан чпин агъювалар тасдикъ аплуз гъабхъундар. Гъацира имтигънар гъагъюрайи вахтна шпаргалкийи ишлетмиш аплуз аплбан кьуб дюшюш ашкар гъаплну.

«ГИА тувбаан предмета-риан асас улупбар за гъабхънушра, ухъухъ ОГЭ тувуз даршулайи выпускника гъелелиг ими. Дици хъуз гъитну ккундар. Урчлуд йисан мектебдиз гъюри, къялан образованийин аттестат гъадагъуз агъювалариан варитлан цлибди вуйи тла-лабаркъана тамам даплну ккунду», - гъаплну Мягъямед Къурбановди.

Совещаниейи региондин мялуматарин «Дагъустандин электрондин образование» (РИС ЭОД) къурулуш уьмри гъятназ кечирмиш аплан месэлайиз жаради гъилигнийи. Думу месэлайиан райондин образованийин Управленийин Мялуматарин методикайин центрин методист Айтюмен Гъабибова удучлвну гъулхнийи. Думу программа ишлетмиш аплувал мектебди урхбан гъаракат гележегди цифровизация аплбан сабпай ву ва диди электрондин

(Ахир 3-пи машина.)

Агъалйир къабул гъаплну, дурарин месэлийриз гъилигнуну



Фунуб йишваъ яшамаш шулай агъалйирра чпиз гъал аплуз читинди вуйи жюрбежюр месэлийрихъди гъюкмин улихъ-кълухъ хъайидарихъна кюмек ккун аплури илтликтуру. Дурарин месэлийр жюрбежюр тълукъ тешкилатарин руководителари гъал аплуз кюмек аплуру, чпихъан шлуб дарш, заан органариз илтликлуз теклиф дивру.

Магъа гъаму йисан 30-пи октябриъ нубатнан ражари «Табасаран район» МР-ин Глава Мягъамед Къурбановди администрацияиъ райондин хайлин агъалйир къабул гъаплну. Агъалйир къабул аплайиз улихъна Мягъамед Къурбановди Дагъустан Республикайин Глава Сергей Меликовдин теклифниинди, агъалйир къабул аплбаъ райондин сяргъятариин али федералин ва республикайин къурулушарин вакиларра иштирак хъува, тажрубайиъ ипбакан гъаплну.

Гъадихъди аьлакълу вуди, агъалйир къабул аплбан серенжемдиъ райондин прокурорин заместитель Тофик Турабов, Табасаран райондиъ аий Урусатдин ОМВД-йин отделин начальник Рягъим Асланов, райондин больницайин кълун духтур Абсеретдин Мирзабеков, райондин газарин къурулушдин абонентдин участокдин начальник Низами Мягъамедов, бикарарин Центрин руководитель Багъаутдин Сейидметов, Табасаран райондин РЭС-йин руководитель Багъаутдин Тлагиров, КЦСОН-дин директор Тимур Аьлиев, ихъ райондиъ аий «Дагъларин ирс» ООО-йин вакил Ильяс Муталимов ва жарадар иштирак гъахъну.

Агъалйир къабул аплбан серенжемдиъ сабпи ражну спецоперацияйин иштиракчийр ва дурарин хизанар къабул гъаплну. Думу серенжемдиъ 20 касдилазна къабул гъаплну ва дурарин месэлийриз гъилигнуну. Душваз дуфнайи агъалйирин

гъал даплну ккун месэлийрикан асасдар гъуларин айтл рякъяр рас аплувал, газдихъди ва электроэнергияйихъди аьлакълу вуйидар, ляхний дийигъбан, жилин гъакънаан, СВО-йин иштиракчийрин хизанариз кюмек аплбакан, гъацара яшайишдин месэлийр гъал аплуз кюмек ккун аплбакан ва жарадар вуйи.

Чпихъна илтликлу гъарсар агъалийин суалназ райондин глава Мягъамед Къурбановди ва душваъ иштирак шулайи федералин ва республикайин къурулушарин руководителари тълукъ жавабар тувнийи ва аий мумкинвалар ишлетмиш аплури, дурар гъал аплбакан гъаплнийи.

Гъац, дурарихъна илтликлу Гурихъ гъулан агъали, СВО-йин иштиракчи Усулутдин Шихмазаевди СВО-йин гъаракатарий иштирак шулайи вахтна гъахъи зийнариан учв урчлвуб вазли госпиталиъ дахъуваликан, саб хилихъ мягърум хъуваликан ва бедендин хайлин жара гъендемариз зийнар хъуваликан, зийнар сагъ гъахъиган кьубпи группайин инвалидвал тийин даплну, гъулаз гъавуаликан, хъа чан бедендин сагъламвализ гъилигиган, чаз сабпи группайин инвалидвал тийин даплну ккуниваликан, тълукъ группайин инвалид тийин аплуз Мягъагъалайиъ ерлешмиш дубхънайи медицинайна-социалин экспертизайиз чав документар хътауваликан ва душваъра чаз отказ аплуваликан гъаплнийи. Му месэлайин гъакънаан Мягъамед Къурбановди райондин прокурорин заместитель Тофик Турабовди кан военный прокуратурайиз документар гъязур аплуз ва хътауз Усулутдиндиъ кюмек аплуб ккун гъаплну.

Душваз илтликлу саршвнур агъалийи электроэнергияйихъди тямин аплувал ери жигъатнаан лазим вуйи къайдайиъ адруваликан, яни аварийный гъалнаъ

айи электролиния рас даплну, члур духънайи бурузарин ерина цлийидар урсну ккуниваликан гъаплнийи. Душваъ иштирак шулайи райондин электросетарин руководитель Багъаутдин Тлагировди райсетарин дахилнаъ адру электролинийр рас аплуз, ясана цлийидар зигуз финансар деетуз даршлуваликан гъаплну. Гъац вушра, мушваз илтликлу агъалйирин гъулариз рас аплру бригада гъауз дугъу гаф тувну.

Мялум вуйиганси, илтликлу агъалйири кми-кмиди гъулан айтлан рякъяр рас аплуз кюмек ккун аплури шулу. Му ражари илтликлу саб жерге агъалйири чпин гъулан айтл рякъяр рас ясана душвариин асфалт улубуз кюмек аплуб ккун гъаплну. Му месэлайин гъакънаан Мягъамед Къурбановди райондин рякъярин инфраструктура жюрбежюр программийрин рамкийриъди рякъяр къайдайиз хуз шлуваликан гъаплну. Гъацара дугъу, «Ерли жягътлувалар» конкурсдиъ иштирак шули, рякъяр тикмиш ва рас аплуз субсидийр адагъуз мумкинвал айиваликан, субсидийр адагъуз документар гъязур даплну, РД-йин Минэкономразвитияйиз вахтнийинди заявка тувну ккуниваликан, думу ляхнийна меценатар жалб даплну ккуниваликан, рякъяр рас аплуб гъулан агъалйири туву транспортдин налогдин къадарнаканра асиллу вуйиваликан гъаплну.

Агъалйир къабул аплбан серенжемдиъ агъалйири ккун гъаплу месэлийриз варилиз гъилигнуну. Дурарикан хайлиндар райондин главайи чан гъозчиваликкна гъадагъну.

«Къурулушарин жавабар руководителарихъди сатлиди агъалйирин мицдар илтликлувалариз лигували хайлин месэлийр йишв ин гъал аплуз кюмек аплуру», - къайд гъаплнийи Мягъамед Къурбановди.

Угълангерек
АБДУЛКЕРИМОВА.
Н. РЯГЪИМОВДИ
гъиву шикил.

Натийжир сачдинтлан ужудар ву



(Эвел 2-пи машнаъ.)
журналарин ва дневникарин къурулуш тлаплуз, гъацара аьгъювалар тувбан интерактив контентдихъна рукъувал тямин аплуз мумкинвал тувди.

Думу къурулуш тлаплбаъ саб жерге читинвалар алахъура, месэла, платформа дурумлуди дилибхрувал, регистрация аплбан читинвалар ва абйир-бабар цлийиди жалб даплнайивал.

Педагогвалин заан квалификацияйин кадрийр гъязур аплуб метлебнийинди образованиейин идарийриъ методикайин ляхин гъабхбан

важиблуваликан райондин образованиейин Управленийийин методикайин кабинетдин заведующая Зумрият Мягъамедовайи гъаплнийи.

Улупнайи месэла гъал аплбан къаляхъ, Мягъамед Къурбановди къайд гъаплнуки, цифровой технологияйир образованиейин къурулушдиъ шаксузди тлаиди, ва мектебарий РИС ЭОД таплбийин гъозчивал гъабхуз табшурмиш гъаплну.

Аь. РАШИДОВ.
Нурулла
РЯГЪИМОВДИ
гъиву шикил.

Конкурсдин дипломдиз лайикълу гъахъну



Ватандин Аьхю дявдиъ Гъалибвалин 80 йис хъпаз тълукъ вуди республикайин театарин арайиъ конкурс кълуд гъубшнийи. Улихънаси думу конкурсдин натийжир гъивну.

Дагъустан Республикайин Главайи тереф уьбхбийинди тешкил даплнайи думу конкурс 3-пи сентябриъ ккебгъуб вуйи. Конкурсдин программийиъ дявдин йисари совет халкъди улупу гъунарназ бахш вуйи спектаклийр аий. Театрин аьртистари, думу игитрин суратар сягънайиин чливи аплури, думу клубанвалин ва зулумдин йисарин аьгъвалат улупнийи.

Табасаран театри думу конкурсдиъ Мустай Каримдин дявдин темайиан «Ич хулан шадвал» спектакль улупну. Ватандин Аьхю дявдин йисари Украинайиан Дагъустандин ярхла гъулаз адахъу славян риш Оксанайикан кълваз эсер аплру ихтилатну я тамашачийр

ясана жюриийин членар виж-насузди гъитундар.

Конкурсдин натийжиринди, Табасаран театрин актер Аким Сеидялиев (спектаклийиъ дугъу кълун роларикан саб уйнамиш гъаплну) «Жиларин ужубсиб роль уйнамиш аплбаз лигнуну» дипломдихъди лишанлу гъаплну, хъа театриз конкурсдин иштиракчийин диплом тувну. «Ич хулан шадвал» спектакль «Сабвуйи Урусат» партияйин «Йиз бицли Ватандин культура» проектдин рамкийриъди Башкортостан Республикайиан теклифниинди гъафи дестейи сягънайиин албагуб вуйи.

«Ихъ игитариз бахш вуди» конкурс Дагъустандин культурайин уьмрийи аку гъядиса гъабхъну, ва диди Ватандин Аьхю дявдин игитарин ядигар уьбхбаз мумкинвал тувну.

Фарзилат
РАЖАБОВА.

«СТОП незаконной предпринимательской деятельности!»

В Табасаранском районе Межведомственная рабочая группа проводит рейдовые мероприятия по выявлению лиц, занимающихся предпринимательской деятельностью без регистрации в налоговых органах.

В соответствии с постановлением Главы администрации МР «Табасаранский район» от 15.12.2023г. №347 создана межведомственная рабочая группа по увеличению доходной части консолидированного бюджета, развитию налоговой базы и проведению мероприятий по легализации «теневого» экономики и заработной платы.

В настоящее время Межведомственная рабочая группа (МРГ) в составе сотрудников администрации района, представителей налоговой службы и ОМВД России по Табасаранскому району проводит очередные рейдовые мероприятия по выявлению лиц, занимающихся незаконной предпринимательской деятельностью и выявлению незарегистрированных трудовых отношений.

В ходе мероприятий особое внимание уделяется установлению наличия у физических лиц официальных документов, подтверждающих их деятельность, а



также проверяется: законность найма сотрудников-оформление трудовых

наличие контрольно-кассовой техники (ККТ) у предпринимателей;



отношений с работниками; оформление права собственности на объекты недвижимости;

приведение в соответствие с действующим законодательством РФ разрешительной документации (разреше-

ние на строительство и ввод объекта).

По итогам проведенных рейдов за неделю в с. Хучни выявлено 13 физических лиц, которые ведут предпринимательскую деятельность без регистрации, на них составлены протоколы за осуществление незаконного предпринимательства по статье 14.1 ч. 1 КоАП РФ.

Все выявленные лица приглашены в администрацию района на очередное заседание межведомственной комиссии, на котором им было разъяснено, что они обязаны в ближайшие сроки зарегистрироваться в качестве индивидуальных предпринимателей, либо же зарегистрироваться в качестве налогоплательщика налога на профессиональный доход и стать самозанятым.

В противном случае на таких лиц будут поданы в суд иски о признании на предмет приостановления их деятельности до тех пор, пока они не станут на налоговый учет или же не прекратят осуществлять предпринимательскую деятельность.

За нелегальную предпринимательскую деятельность установлена налоговая, административная и уголовная ответственность.

Обращаем внимание, что с 27 июня 2025 года начали действовать новые штрафные санкции за нарушения порядка уведомления о начале предпринимательской деятельности. Соответствующие поправки в КоАП РФ внес Федеральный закон от 28.12.2024 № 516-ФЗ.

Новшество касается предпринимателей, которые занимаются розничной и оптовой торговлей, общепитом, гостиничными услугами, бытовыми услугами др. (ст. 8 Федерального закона от 26.12.2008 № 294-ФЗ).

Штраф с 27 июня 2025 года согласно ч. 1 ст. 19.7.5-1 КоАП РФ составляет:

для должностных лиц и ИП — от 7 000 до 12 000 руб.;

для юрлиц — от 24 000 до 48 000 руб.

За повторное совершение вышеуказанных нарушений Закон вводит новую ч. 3 в ст. 19.7.5-1 КоАП РФ, устанавливающую повышенные штрафы:

для должностных лиц и ИП — от 15 000 до 25 000 руб.;

для юрлиц — от 50 000 до 60 000 руб.

З. Гаджибрагимов, помощник Главы МР «Табасаранский район» по налоговым вопросам.

Беременность и роды по ОМС

Беременность – прекрасный период в жизни каждой женщины. Необходимо со всей ответственностью подходить к этому вопросу и знать заранее, когда идти к врачу, когда делать УЗИ, на каком сроке отправляться в отпуск по беременности и родам и, наконец, что взять в роддом для себя и малыша.

Материнство в Российской Федерации охраняется и поощряется государством. В Федеральном законе от 21.11.2011 N 323-ФЗ (ред. от 23.07.2025) "Об основах охраны здоровья граждан в Российской Федерации" (с изм. и доп., вступ. в силу с 01.09.2025), есть статьи, регулирующие медицинскую помощь беременным женщинам: Статья 52. Права беременных женщин и матерей в сфере охраны здоровья. Каждая женщина в период беременности, во время родов и после родов обеспечивается медицинской помощью в медицинских организациях в рамках программы государственных гарантий бесплатного оказания гражданам медицинской помощи.

Медицинская помощь в рамках базовой программы ОМС, куда входят наблюдение по беременности, родоразрешение, осмотры в послеродовый период, а также (при необходимости) госпитализация в гинекологический стационар (до 22 недель беременности) или в отделение патологии беременности родильного дома

(после 22 недель), на всей территории России оказывается бесплатно, по полису обязательного медицинского страхования (ОМС).

Полис обязательного медицинского страхования действует на всей территории Российской Федерации. Если женщина обращается в роддом вне территории регистрации, и у нее имеются медицинские показания к госпитализации (например, угроза прерывания беременности, роды и т.п.), то отказ в оказании ей медицинской помощи неправомерен, равно как и требование оплатить какие-либо медицинские услуги.

Помимо финансирования из системы ОМС, ведение беременности и родов дополнительно поддерживается государством с помощью программы «Родовой сертификат». Родовой сертификат – это документ, на основании которого производятся расчеты с тем медицинским учреждением, которое оказывало женщине и ее ребенку соответствующие услуги в сфере здравоохранения.

Срок беременности определяется 3-мя триместрами. Имеется обязательный перечень обследований, которые проводятся в определенный период беременности. Эти исследования безопасны, не влияют на здоровье будущей мамы, течение беременности и развитие малыша, и их можно проводить всем беременным женщинам, особенно тем, кто находится

в группе риска.

При сроке беременности 36-37 недель формулируется полный клинический диагноз и определяется место планового родоразрешения. Врач-акушер-гинеколог информирует беременную о медицинской организации, в которой рекомендуется (планируется) родоразрешение, с указанием срока родоразрешения (при необходимости) с отметкой в обменной карте беременной, роженицы и родильницы. При наличии медицинских показаний беременным предлагается более ранняя родоразрешение госпитализация.

Какие документы взять в роддом: паспорт, полис ОМС на материальном носителе либо выписку о полисе ОМС, родовой сертификат, обменную карту из женской консультации и СНИЛС.

Какие документы взять при выписке из роддома: страница из родового сертификата о состоянии здоровья мамы, обменная карта ребенка, прививочная карта (если в роддоме делали прививки против вирусного гепатита В и туберкулеза), справка для ЗАГСа о рождении ребенка.

После выписки из роддома, родителям необходимо своевременно оформить документы для новорожденного. Полис ОМС – это документ, который дает право ребенку бесплатно получать все основные виды медицинской помощи в медорганизациях, работающих в

системе ОМС. Ребенок со дня рождения и до истечения 30 дней со дня государственной регистрации рождения получает всю необходимую медицинскую помощь по полису ОМС мамы или другого законного представителя.

Для включения ребенка в Единый регистр застрахованных лиц и получения выписки о полисе ОМС, необходимо обратиться в медицинскую страховую компанию, посетив один из ее офисов или оставив заявку на сайте.

При этом понадобятся следующие документы: свидетельство о рождении ребенка; СНИЛС ребенка (при наличии); документ, удостоверяющий личность законного представителя ребенка; документ, удостоверяющий статус законного представителя.

Берегите себя и своих близких!

При возникновении вопросов в сфере обязательного медицинского страхования, вы можете обращаться в Дагестанский филиал ТФОМС РД, который расположен по адресу:

г. Дагестанские Огни, ул. Революции 52 «в»
тел.: 8(87275) 5-31-50
e-mail: ogni-fil@fomsrd.ru
В будние дни с 9 ч. 00 мин. до 18 ч. 00 мин.

**Директор
Дагестанского
филиала ТФОМС РД
Сулейманов Р.С.**

Заключение по проекту Решения Собрания депутатов муниципального района «Табасаранский район» Республики Дагестан «О принятии Устава муниципального образования «Табасаранский район» Республики Дагестан» 30.10.2025 г.

Публичные слушания назначены Решением Собрания депутатов муниципального района «Табасаранский район» от 03.10.2025 года № 05.

Тема публичных слушаний: обсуждение проекта Решения «О принятии Устава муниципального образования «Табасаранский район» Республики Дагестан».

Инициаторы публичных слушаний: Собрание депутатов муниципального района «Табасаранский район».

Количество участников: 45.

В результате обсуждения проекта Решения «О принятии Устава муниципального образования «Табасаранский район» Республики Дагестан», единогласно всеми участниками публичных слушаний, принято решение:

1. Одобрить проект Решения «О принятии Устава муниципального образования «Табасаранский район» Республики Дагестан».

2. Рекомендовать Собранию депутатов муниципального района «Табасаранский район» Республики Дагестан принять Решение «О принятии Устава муниципального образования «Табасаранский район».

**Председательствующий
Я.А. Абдулов.**

**Секретарь
Н.А. Агаризев.**

Ахю Гялибвалин - 80 йис

Цийи китаб

Дявдин дад бегъемди гъисс гъап1дарикан сар

Ихъ уьлкейи к1ули гъушу дявйирикан варит1ан гъагъиб ва инсафсузуб Ватандин Ахю дяви гъисаб шула. Думу дявди миллионариинди инсанар т1анк гъап1ну. Хъа гъалибвалик пай киву инсанарин арайиан ургуб миллион каст1ан артухъ инсанар орденарихъди ва медаларихъди лишанлу гъап1ну, 11500 кас Советарин Союздин Игит ччвурназ лайикълу гъахъну. Ватандин Ахю дявди Дагъустандин, гъадму гъисабнаан Табасарандианра, агъзариинди эскрар иштирак гъахъну ва дуради ахю гъунара улу пну. Амма дявдин женгарий

нов душмандихъди вуйи гъагъи женгарий гъахъну. Сталинграддик командир Аввакумовди регъбервал туврайи батальондихъди фашистарихъди нубатнан женгназ удуч1внайиган, мугъаз гъагъи зийнар гъахъну. Думу зийнар сагъ ап1ури, му Астрахан шагърий госпитали гъахъну. Госпиталиан удуч1ву Шябанов Верховный главнокомандованиеийн артиллерийин резервний частнади Курский дугайи женгарий, дидин къяляхъ Крым душмандихъдан азад ап1бан женгарий гъахъну. Хъа дурад аийи часть Прибалтика азад ап1бан жен-

гарий иштирак гъахъну.

Дяви ахирихъна рубкюри, Кюрягъ бай душмандихъди вуйи женгнади Германияийн Кенигсбергдихъна хъуркьну. Дявдин ахиримжи йигъари Кенигсбергди чпин жанар уьрхюри гъит1ик1найи фашистар йисирвализ гъада гъа б а р а мугъу гъунара улу пну. Саб га ф н и н д и, Гюлмягъмад Шябановди Брест гъалайилан Кенигсбергдизкъан вуйи дявдин женгнан



гъунара улу пну ихъ ватанагълиирикан насариз ктибтуб ихъ гъарсарин буржи вуйихъ.

Му макъалайи узуз ихъ райондин Кюрягъ гъулан агъали Рамазан Шябановдин к1ваин ап1баринди дугъан ахюну гъардаш, Ватандин Ахю дявдин иштиракчи Гюлмягъмад Шябановди кан ктибтуб ккундуз.

Гюлмягъмад Уьсманович 1939-пи йисан чан ватандаш'валин буржи тамам ап1уз армияйиз гъулни. Мугъу чан ватандаш'валин буржи тамам ап1урайи вахтна, Германияийн фашист чапхунчир ихъ уьлкейиин, гъадму гъисабнаан мугъу гъуллугъ ап1урайи частниинра, хабарсузди алархънийи. К1ваин алдру дяви ккебгъу душмани Брест гъалайиинна самолетарин бомбар ахъри, вари дагъитмиш гъап1нийи. Душваъ Гюлмягъмаддин гъуллугънан хайлин юлдшар дяви ккебгъу йигъан талаф гъахъну. Душваъ ч1ивиди имбу саб жерге эскрарра кьоб гъяфтайин арайи я ип1руб, я убхъруб адарди, немцари къялаъ т1ап1найи йишваъ гъахъну. Хут1икан картфар ктагъури, гъадра ит1ури, гъузу. Кьоб гъяфтайилин йишвну дуради душв'ан удуч1вуз ва гъергуз чара гъабгну. Гъаци, дурад душв'ан гъергн, ихъ къушмарихъди сат1и гъахъну. Дидин къяляхъ Сталинграддихъ Гюлмягъмад Шяба-

рякъ ккадап1ну.

Ватандин Ахю дявди улу пну гъунарализ лигн, Гюлмягъмад Шябанов гъюкуматдин терефнаан Ватандин Ахю дявдин дережайин орденарихъди, «Кенигсберг бисбаз лигн», «К1убанвализ лигн», «Германияийн гъалиб хъувализ лигн», «Тафавутлу артиллерист» ва хайлин кьадар юбилейин медаларихъди лишанлу гъап1ну.

Дявдин къяляхъ сад йисансана му чан ватандаш'валин буржи тамам ап1ури ими. 1946-пи йисан багъри гъулаз къяляхъ гъафну.

Дявдин къяляхъ йисари багъри Ватан ликт1ин ап1руганра му гъирагъдихъ гъузундар. Хайлин йисари колхоздин бригадирди гъилихну, хъа чан уьмрин ахиримжи къад йисан Халгъарин халачийрин фабрикийн Кюрягъ гъулаъ аийи цехди складдин заведующийди гъилихну.

Чалантина чан уьмрин юлдаш Шемъа халайихъди сат1иди, ахю хизанра яратмиш гъап1ну. Дуради хъур бай ва хъур риш а. Дурадилантина йиц1баринди хтулар, гудлар духъна. Гюлмягъмад Уьсманович Шябанов 72 йис яшнаъ ади, 1991-пи йисан кечмиш гъахъну.

Ав, ухъуз гъийин деврин жигъилариз, мурар нумуна ву. Дурадин гъунара к1ваин уьрхюз ухъу буржлу вухъа.

Фарзилат
РАЖАБОВА.

Шиклий: Г. Шябанов.
(Хизандин архивдиан вуйи

Поэзия ккунидариз гизаф ужуб пешкеш

2024-пи йисан ахирий Дагъустандин китабарин чапханайи «Ширин вузуз багъри юрдар» ччвур иливнайи китаб чапдиан удуч1внийи. Табасаран машгъур шаир, прозаик ва драматург Юсуф Базутаевдин му китаб авторин юбилейиз чапдиан адабгъуб ву. Китаб урхурдар шаирин шиъраарихъди ва кьоб поэмайихъди гъам табасаран, гъамсана урус ч1алнийинди таниш хъиди. Шаирин эсерар урус ч1алназ



ц1ар-ц1арди таржума дап1на. Гъаци вуйивали Юсуф

Базутаевдин эсерарихъди гизаф кьадар урхурдариз таниш хъуз мумкинвал тувра.

Дупну ккундуки, литературайин табасаран ч1ал аьгъювал зияф шулайи гъийин заманайи му китаб мектебарий бабан ч1ал кивру мялимарихъан хъуркьувалинди ишлетмиш ап1уз шулу.

Исихъ Юсуф Базутаевдин ц1ийи китабдиан шиърар туврача.

У. Къурбанова.

Ширин вузуз багъри юрдар

Яв сес заткъан кам даршули ибархъан,
Йиц1ихъудкъан йисар шулайиз магъа.
Фу вува ву, йиз юк1в шад ап1руб гъарган,
Шули узуз накът1ан гъи артухъ багъа?

- Гъаз ву дургъунагъ - гафар'ин
уьбгъюб к1ул?
Гъапнийиз, - Адар ужуб килигубт1ан.
Гъит гъарабхри хъадукар ва

гъюри чвул -

Варибдин гъаврий хъидиза думуган.

Рякъюрузуз яв ярквар, хъар, дагълар
Ва яв зегъметкеш инсанар гъар йигъан.
Йигълан-йигъаз гъаз артухъдиси дурад
Рякъюз узуз, Табасаран, ккун шуйк1ан?

Май ваз вуйи, дюн'я дабалгнай кюкди.
Жигъилин юк1в, шадвалихъди абц1найиз.
Гъалвар-хъар ккерчнайва зуз жумартди,
Сабдиканкъан дерд-вижна зат кадайиз...

Гъаму саягъ суалар шуйза гъарган
Увуз туври, дийигъну яв гъаншарий.
- Сабур ап1ин, - к1уйва, - бай, гъялак
махъан,
Вахт гъафиган, шалва варибдин
гъаврий.

Анжагъ гъубшну хъадукар, дидихъди хъад,
Амси йигъар, чвул а гъи чан чагъларий.
Фициб вуйиш яв гафарин уч1вру дад
Шули аза, Табасаран, гъи гъаврий.

Гъилигишра гъаригъ гъай кюкдиз фукъан,
Йимишдин дад фициб шулуш, пуз шулин?
Хъадукарган гъаврий дархъубдин инсан,
Шулу гъаврий, гъафиган вахт чвулин.

Уву дярбкъри, увхъан ярхла вуди,
Шули айиз гъи магъа гизаф йисар.
Увуз туву суалариз са-сабди
Гъариблугъди дихъурузуз жавабар.

Аьжайиб жаваб тувнийва гъамциб зуз
Уву гизаф йисар мидиз улихъна.
Яв гафарин дерин мянайи ахъуз
Гъабхъундайзухъан думу гъамсуз вахтна.

Лигураза гъач1нин-хъабхъ яд ярхла
Сикин дарди яв терефназ гирами:
Дубхънава гъи, Табасаран, йиз Къибла,
Узуз аьгъю тек саб гъудган ва бисми!

Чухсагъул вуз...

Чухсагъул вуз,
Лап к1ваант1ан чухсагъул,
Уву ава,
Гъевес, увуз чухсагъул.
Эгер узуб
Асул ва инсанвал аш,
Яв гъунар ву -
Увуз ахю чухсагъул.

Жилин, ригъдин,
Бабан кымат аьгъдайзуз.
Арцунваки
Улар гъарсаб уччвушназ,
Ц1ийи к1ул'ан
Акв тувунва - чухсагъул.

Узуз тувнайи вахтан,
Аьгъязуз, му
Яв гъунар ву - чухсагъул.

Улупунва
Инсандиз ап1уз гъюрмат,
Улупунва
Харживал к1вак ктрабсуз,
Улупунва,
Фукъан зурба уьмарат -
Аку дюн'я -
Уьмур
Бахш дап1наш узуз.

Яв хазнай'ан
Туври ава шадвал, бахт
Гъарсар касдиз,
Хъа вардихъди узузра.
Бул ибшриву,
Уьмрий аийи уьмарат,
Гъич дарибшри
Уву жил'ин алдру вахт!

Гагъ вахтари
Вуйшра зухъна инсафсуз,
Увуз тягъна
Гъивур дарза асуллагъ.
Ккундуш хъана
Тув аьзабар, тув узуз,
Узхъан увуз
Ебхъруб ву саб баркаллагъ!

Улар ашра,
Бюркюр вуйза лап къаназ,

Узу давди
Духъну адарзу бабкан,
Йиз уьмурна
Нефес халкъдиз герек ву.
Гъаврий аза

Уву ава,
Поэзия, гъар вахтна,
Уву ава,
Гъаддиз увуз чухсагъул.
Вари йихур,
Аьжал гъибдар увухъна,
Аьжалсузва,
Гъаддиз увуз чухсагъул.

Дюн'я ккебгъу йигъхъанмина...

Дюн'я ккебгъу йигъхъанмина
Кьор душман а: гъякъ ва куч1ал.
Жарадар ву кьюрибдира
Палат, юруш ва ап1ру ч1ал.

Гъубк1ри шулдар гъякъназ кьувват
Аьмал, уччу гафар ап1уз.
Кабц1ру ухди дидин палат -
Читин вуйин лизиб кабц1уз?

Куч1лиз а лап уччу юруш,
Палтаринра гъисаб адар.
Хъа ч1ал к1уруш, хъа ч1ал к1уруш,
Меълиб ву ч1ал - йиччв меълиб дар.

Анжагъ кечмиш гъабшиган вахт,
Куч1ал шулу вардиз ашкар.
Ав, жикъиб ву гъар куч1лин бахт, -
Жикъидар ву дидин машквар.

Сабт1ан юруш адар гъякъназ,
Дидин юруш ву лап дарцциб.
Лизи палат кадабгъна чаз,
Хъа мелз - агъут1анна кьут1кълиб.

Кьор душман а: куч1ал ва гъякъ.
Гъира дурад а кич1ихну.
Наан-вуш гъи куч1ли нягъякъ,
Аьгъязуз, а гъякъ чакк ккипну.

Адауру к1ул'ан куч1ли
Инсанар, чаз ккуни вахтна.
Шлиз хуш дар гафар меъли?
Хярт1 ийвиру куч1ли гъякънан.

Аьжалсуз ву гъякъна куч1ал,
Анжагъ аьхирзаман гъабшиш,
Йибк1ур куч1ал, дуфну аьжал,
Хъа гъякъ гъубзди хъуз яшамиш.

Распоряжение №178-Р от 29.10.2025 г.

В рамках исполнения протокола заседания межведомственной комиссии по противодействию незаконным заготовкам и обороту древесины в Республике Дагестан от 17.10.2025 г. № 28-39:

1. Создать комиссию муниципального района «Табасаранский район» Республики Дагестан по противодействию незаконным заготовкам и обороту древесины в составе:

1. Председатель комиссии:

Османов Р.С. – первый заместитель главы администрации муниципального района «Табасаранский район».

2. Члены комиссии:

Амирралиев М.А. – начальник отдела экономики администрации муниципального района «Табасаранский район»;
Аваев А.Н. – врио директора МБУ «Отдел сельского хозяйства» администрации муниципального района «Табасаранский район»;

Ахмедов З.Д. – главный специалист отдела делопроизводства, правовой и кадровой работы администрации муниципального района «Табасаранский район»;

Базутаев Э.Г. – участковый лесничий Дюбекского участкового лесничества (по согласованию);

Раджабов М.А. – старший участковый полиции (по согласованию).

2. Комиссии свою работу построить в соответствии с действующим законодательством.

Врио главы муниципального района
«Табасаранский район»
Республики Дагестан
З.Н. Мусаев.

Выбирай службу по контракту!

СЛУЖБА ПО КОНТРАКТУ

НОВЫЕ УСЛОВИЯ с 20 октября по 8 ноября

2 млн руб. – от РД через Полк резерва

Единовременная выплата
2,5-2,9 млн Р*

Зарплата от 210 тыс Р

400 т.р. – РФ, от 100 до 500 т.р. – от муниципалитета

117 фед. номер | Пункт отбора по РД **8 (989) 484-69-95**

В Дагестане увеличили единовременную региональную выплату военнослужащим-контрактникам до 2 миллионов рублей.

Глава Дагестана С. Меликов объявил, что с 20 октября по 8 ноября 2025 г. выплата от Республики Дагестан при заключении контракта на службу в Вооруженных силах РФ увеличена до 2 млн. руб (через полк резерва). Таким образом, с учетом федеральной (400 тыс. рублей) и муниципальной

(от 100 до 500 тыс. рублей) выплаты общая единовременная сумма, которую получит гражданин при заключении контракта, составит от 2,5 до 2,9 млн. рублей.

Заработная плата – от 210 тысяч рублей в месяц.

Для дополнительной информации обращайтесь в военный комиссариат Табасаранского района, телефон: (887-249) 22-1-05; 8-988-791-15-85; а также в пункт отбора по Дагестану, телефон: 8 (989) 484-69-95.

Грипп кайири фу дап1ну ккундуш

Ражар кайиган, гъухар хъжагъбан бадали, вирусдиз къаршу дарман кайи уклар ккахънайи шид 3-4 ражари ишлетмиш дап1ну ккунду.

Дарман кайи укларин шире гъамци гъязур ап1ру.

Саб чайран муччвур аптекайи масу тувру ччимдин кюкйир (ромашка) термосдиъ ахъну, 1 стакан гъубхъу шид ккубзну, 1 саягди дивну гъитру.

Къюб хурагнан муччвур шалфейин клажар ва ччимдин кюкйир термосдиъ ахъру ва ½ литр гъубхъу шид ккубзру, хъасин, 60 дакыкыйи гъитну, кт1убццуру.

Саб хурагнан муччвур айраин ччиварикк гъац1 литр шид ккубзру, хъасин 12 дакыкыйи, зылан гъапагъра иливкн, убхъуз гъитру.

Мич1ал хъайиз гъитну, ишлетмиш ап1ру.

Шюшйирин (мятайин), шалфейин клажар ва ччимдин кюкйир саб къадарнади гъидикъуру, къюб хурагнан муччвур термосдиъ ахъру, ½ литр гъубхъу шид ккубзру ва 1-2 саягдиз дивру, хъасин кт1убццуру.

Термосдиъ 1 хурагнан муччвур гъубку зверобой ук1 абхъну, дидикк 1 стакан убхъурайи шид ккубзру ва, 60 дакыкыйи гъитну, кт1убццуру.

Гъадму ширейин гъац1 стакник 20 процентдин прополисдин экстрактдин 20 лит1ан курзну, ишлетмиш ап1ру.

Гъухар хъжагъбан къаляхъ, грипп кайириз мелисайин, хамсарин са-саб клаж кирчну, чай убхъуб ужуи шулу. Дициб чайру гъухар ургруган кюмек ап1ру.

(СМИ-иан гъязур гъап1ур У. Къурбанова).

Шил'арин къялан мектебдин мялимарин, техработникарин ва урхурайидарин коллективди, душава мялимарди лихурайи Мягъямедяли Хановдин хпир, Барият Хановайин сижар

Багъарат

кечмиш хъувал дерин пашманвалиинди мялум ап1бахъди сабси, дуариз, дуарин хизандиз ва багахълуйириз башсагълугъвал ккун ап1руа.

Подписка - 2026

Гъюрматлу ватанагълийир! 2026-пи йисаз газатариз ва журналариз подписка ккебгъна. Подписка гъуларин алакыйирин отделенийири ап1уз шулу.

Ихъ багъри «Табасарандин сес» газатдиз подпискайин кымат:

Йискубаз - индекс 63316, кымат - 1425 манатна 24 кепек; гъац1исаз – индекс 51375, кымат - 712 манатна 62 кепек.

Редакция.

Зарафтар

- Абрам, - к1уру Сарайи чан жилириз,- узу бабкан гъахъи йигъаз пешкеш вуди уву палтум гъадабгънийи.

Хъа уву бабкан гъахъи йигъаз узу фициб пешкеш ап1уза? - Палтум масу тув... ***

- Магъа кыл адабхъу. Гъамус ихъ гъалмагъал хъибди, - к1уру хпир.

- Белки, юла гъягъюр ухъу? - к1уру жилири.

- Ваъ, ваъ узу сарун гъязур духъназа, - жаваб тувру хпир. ***

Сар кас ресторандиз гъюру, метрдогелиз дих ап1уру, ва дугъаз 10 доллар тувру.

- Учвуз стол заказ ап1уз ккунди ачвуз?

- Акъсына. Саб саягтдилан узу мина дишагъли хъади гъидиза ва думуган уву ресторандиъ йишвар адарич йип.

(Гъязур гъап1ур У. Къурбанова).

Арсран медалар гъазанмиш гъап1ну

Мягъягъгъала шагъриъ Дагъустан Республикайин Главайин призариз спецоперацияйин иштиракчийрин ва ветеранарин арайиъ спортдин милли жюририан республикайин «СВОФест-2025» фестиваль к1ули гъубшну.

Дагъустандин гъюкуматдин педагогвалин университетди к1ули гъушу финалин серевнованийириз Республикайин Глава Сергей Меликов гъафну.

Спецоперацияйин иштиракчийри ва ветеранари гирийрин спортдиан, гирийр гат1архъбаан, армрестлингдиан, т1илиз зигбаан ва ГТО-йин нармотивар тамам ап1баан талитар гъухну. Думу фестивалиъ республикайин жюрбежюр шагъариан ва республикайин районариан 22 команда иштирак гъахъну.

Гирийрин спортдиъ Табасаран райондин командайи кюбпи йишв гъибисну. Гъалиб гъахидар кубкйирихъди,



медаларихъди ва пулин призахъди лишанлу гъап1ну.

Думу фестиваль Дагъустандин Минспортдин физкультурайин серенжемарин календарик кипна ва гъарйисан к1ули гъабхбанди ву.

«Табасаран район» МР-ин Глава Мягъямед Къурбановди ихъ ватанагълийириз гъалибвалихъди тебрик ва дуариз хъана заан хъуркъувалар ккун гъап1ну.

У. Къурбанова.

Жигъилариз ягъурлу рякъ ккун гъап1ну

Ноябрин 5-диъ ихъ райондиан чвлин призывдин кампанияйиъди Урусатдин Яракълу Къувватарин жергйириз нубатна десте гъап1ну. Жигъилар гъауз думу йигъан райондин администрацияйин главайи жамьябтлугъ хат1асузвалин месэлийириз лигъу заместитель Ринат Мирзабалаев, военкоматдин жигъилар призывдиз гъязур ап1ру отелин начальник Рафик Къасумов, призывникарин багахълуйир гъафну. Дуарин жигъилариз ягъурлувал ккун гъап1ну, ва насигъятнан гафар гъап1ну.

Фарзилат РАЖАБОВА.
Н. РЯГЫМОВДИ
гъиву шикил.



Учредитель:

Администрация МР
«Табасаранский район».

Главный редактор
И.М. Яралиев.

Табасаранский язык.

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов. Рукописи не рецензируются и не возвращаются.

Газета зарегистрирована Управлением Федеральной службы по надзору в сфере связи и массовых коммуникаций по РД от 12.12.2008 г
Регистрационный номер: ПИ № ФС 05-0013.
Цена-свободная.

ИНДЕКС-51375.
Адрес редакции и издателя: 368650.РД, Табасаранский район, с.Хучни, «Редакция газеты «Табасарандин сес» («Голос Табасарана»)).
Срок подписания в печать по графику - 17.00
Подписано в печать - 17.00

Телефон:

Главного редактора -
8-967-390-76-85.

Адрес электронной почты:

golostab57@mail.ru

Газета набрана и сверстана на базе компьютерной техники МБУ «Редакция газеты «Табасарандин сес» и отпечатана в ООО «Типография -М» 368600, г. Дербент, ул. С. Курбанова, 25.
По всем вопросам качества печати обращаться в типографию
Тираж 2234
Заказ №